

Emprego

DECRETO DE ALCALDÍA PARA A APROBACIÓN DA BOLSA DE EMPREGO DAS PRAZAS DE TRABALLADORES/AS SOCIAIS (A2) (CONCURSO) NO MARCO DO PROCESO EXCEPCIONAL DE ESTABILIZACIÓN DE EMPREGO TEMPORAL DESTE CONCELLO DE LALÍN.

Expediente Xestiona: 2064/2022

Por Resolución da Alcaldía de data 6 de maio do 2022 aprobouse a oferta de emprego público do Concello de Lalín para o exercicio 2022 correspondente á estabilización do emprego temporal. No BOPPO núm 95, do 19 de maio de 2022 publicouse o anuncio de dita oferta. Habendo detectado erros na mesma, por Resolución da Alcaldía de 24 de maio de 2022, aprobouse a corrección dos mesmos, publicada no BOPPO núm 102 de 30 de maio.

Na sesión celebrada en Xunta de Goberno Local na data 20/12/2022 aprobáronse as Bases que rexen os procesos extraordinarios de estabilización previstos na Lei 20/2021, de 28 de decembro, de medidas urxentes para a redución da temporalidade no emprego público, para cubrir as prazas correspondentes á Oferta de Emprego Público Extraordinario para a estabilización do emprego público temporal deste Concello. Posteriormente ditas bases foron publicadas no Boletín Oficial da Provincia de Pontevedra número 247 de data 28/12/2022, na páxina web e na sede electrónica do Concello de Lalín. Publicándose tamén no Boletín Oficial do Estado núm 15 do 18 de xaneiro do 2023 anuncio da convocatoria e abríndose un prazo de 20 días hábiles para que as persoas interesadas puidesen presentar as solicitudes.

As resolucións das listas provisionais e definitivas de aspirantes admitidos/excluídos foron publicadas no Boletín Oficial da Provincia de Pontevedra número 45 do 6/03/2023 e número 66 de 4/04/2023, respectivamente, aparte de na páxina web e na sede electrónica, tal e como se indica nas bases. Posteriormente procedeuse á publicación das actas provisionais e definitivas na páxina web e na sede electrónica.

- Visto e enterado dos informes de Secretaría de data 24/05/2022 e o informe de data 22/05/2023.
- Visto o Informe xurídico de data 23/05/2023 emitido ao efecto polo Técnico da Deputación de Pontevedra en virtude do Convenio de Colaboración asinado 14/07/2022 entre a Deputación Provincial de Pontevedra e o Concello de Lalín.



- Visto o Informe xurídico de data 23/05/2023 emitido ao efecto polo Xefe de Servizo de Persoal e Emprego, deste Concello de Lalín.

Por Resolución de Alcaldía e por Resolución do Presidente do Padroado Cultural de Lalín de data 24 de maio do 2023, aprobáronse as diferentes propostas realizadas polo Tribunal Cualificador de contratación/nomeamento coa respectiva creación das diferentes bolsas de emprego dos/as aspirantes que acadaron as puntuacións requiridas. Con data 2 de xuño de 2023 por Resolución de Alcaldía e do Presidente do Padroado Cultural de Lalín aprobouse a corrección de erros das mesmas, estas foron publicadas no BOPPO núm 110 de 8 de xuño de 2023.

Por Resolución de Alcaldía de data 12/07/2023 publicado no BOPPO núm 159 do 18/08/2023, modificado no BOPPO núm 161 do 22/08/2023 dispúxose o nomeamento/contratación de varias prazas, incluídas as 3 prazas de Traballador/a social do Proceso Excepcional de Estabilización de Emprego Temporal.

Visto o Informe do Xefe do Servizo de Persoal e Emprego para a aprobación da Bolsa das Prazas de traballadores/as sociais de data 21/09/2023.

Finalizado o proceso selectivo en canto as 3 prazas de traballadores sociais e tendo en conta as atribucións que me confire o artigo 21 da Lei 7/1985, do 2 de abril, Reguladora das Bases de Réxime Local, así coma nas disposicións concordantes do Real Decreto 2568/1986, do 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais,

RESOLVO:

Primeiro.- Avocar, para este expediente, a competencia delegada na Xunta de Goberno Local por Decreto de data 23/06/2023, por razóns de índole técnica, debido á imperiosa necesidade de comezar co chamamento da bolsa de emprego dos Traballadores Sociais para que o Departamento de servizos sociais non se vexa prexudicado e poida atender todo tipo de trámites internos e externos cos seus usuarios de maneira eficiente.

Segundo.- Proceder a aprobación da Bolsa de Emprego das prazas de traballadores/as sociais (A2) (CONCURSO) no marco do Proceso Excepcional de Estabilización de Emprego Temporal deste Concello de Lalín, quedando da seguinte maneira:



1.	Pazo Meijide, Susana	***7650**	97,25
2.	Fernández Pérez, María Teresa	***6712**	74,50
3.	Castro Castro, María Ángeles	***1262**	73,50
4.	Noya Cerdeira, Jesusa	***2771**	73
5.	Mazaira Gil, María Belén	***5939**	64,24
6.	Ordóñez Martínez, María Consuelo	***8248**	48,86
7.	Rodríguez López, Oscar José	***4171**	41,75
8.	González Dacal, Estefanía	***9160**	34,90
9.	Sanmartín López , Javier	***2298**	33,80
10.	Zas Castro, María Manuela	***5357**	30,50

.Terceiro: Publicar a resolución, na sede electrónica municipal e no Taboleiro de Anuncios do Concello, entrando esta en vigor o mesmo día da súa publicación.

Cuarto: Contra a precedente resolución, que pon fin á vía administrativa, poderá interpoñerse ben o recurso potestativo de reposición ante o mesmo órgano que a ditou e no prazo dun mes a contar dende o día seguinte ao da súa notificación, ao amparo do establecido no artigo 124.1 da Lei 39/2015, do 1 de outubro, do procedemento administrativo común das administracións públicas ou ben o recurso contencioso- administrativo no prazo de dous meses contados a partir do día seguinte ao da súa notificación ante o Xulgado do Contencioso Administrativo de Pontevedra.

Lalín, na data da sinatura electrónica.

O Alcalde
D. José Crespo Iglesias

Dou fe
O Secretario
D. César López Arribas

